

STJÓRNARTÍÐINDI B 74 – 1996

15. október 1996

1341

Nr. 529

REGLUR

um innkaup og sölu tóbaks og skilmálar í viðskiptum við birgja.

Reglur um innkaup og sölu tóbaks.

Tóbaki er deilt í 3 söluflokka:

1. Kjarna
2. Reynsluflokk
3. Sérpantanir

Í kjarna eru sölutegundir (vörunúmer) sem flust hafa úr reynsluflokki í kjarna og vörur sem voru í þeim flokki 15. nóvember 1996 og eigi hafa fallið úr kjarna samkvæmt ákvæðum reglna ÁTVR um innkaup og sölu tóbaks. Kjarninn er endurmetinn í mánuði hverjum. Nái sölutegund í kjarna ekki 0,5% af heildarsölu¹⁾ vöruflokks á undanförmum 12 mánuðum fellur hún úr kjarna.

Séu tvær eða fleiri sölutegundir sömu tóbakstegundar boðnar til sölu og hvorug eða engin þeirra nær áskildu söluhlutfalli en samanlögð sala tóbakstegundarinnar nær söluhlutfallinu, þá skal sú sölutegund, sem mest hefur selst, haldast í kjarna en aðrar sölutegundir falla úr kjarna.

Í reynsluflokki eru að jafnaði 30% af tölu þeirra tóbakstegunda sem eru í kjarna. Tóbak í þessum flokki er í reynslusölu í 11 mánuði. Að loknu því tímabili flyst sölutegundin í kjarna hafi hún náð 0,5% af heildarsölu¹⁾ vöruflokksins. Við útreikning skal miða við sölu í 9 heila mánuði er næstir koma fyrsta mánuði sölutímans. Vara, sem fellur úr reynslusölu vegna ónógrar eftirspurnar, verður ekki tekin aftur til reynslu fyrr en 12 mánuðir hafa liðið frá því sölu hennar var hætt. Sé mikill fjöldi sölutegunda boðinn til reynslu getur ÁTVR ákveðið að taka aðeins eina tegund í hverjum vöruflokki til reynslusölu eða á biðlista til reynslusölu frá sama birgi.

¹⁾ Vindlingar eru taldir í mille = 1000 stk.

Annað tóbak er talið í kg.

Orðskýringar:

Söluflokkur: Röðun vöru í hóp eftir rétti til söluframboðs hjá ÁTVR.

Dæmi: Kjarni.

Vöruflokkur: Skipan vöru í hóp eftir meginieinkennum er tengjast mismunandi framleiðsluaðferðum.

Dæmi: Vindlingar, neftóbak.

- Tóbakstegund: Vara sömu gerðar að efni til þótt einstakar einingar hennar geti verið breytilegar eftir umbúðum.
Dæmi: London Docks.
- Sölutegund: Vara sem er svo frábrugðin öðrum vörum að hún fær sérstakt númer og verð í söluskrám ÁTVR.
Dæmi: 10 vindla pakki af London Docks.

Tóbaki í kjarna og reynslusölu er skipt í eftirfarandi vöruflokka:

30 Neftóbak	34(1) Vindlar	≤ 3,15	gr/stk.
31 Munntóbak	34(2) Vindlar	> 3,15-4,25	≤ gr/stk.
32 Reyktóbak	34(3) Vindlar	> 4,25	gr/stk.
33 Vindlingar			

Nái heildarsala á tiltekinni sölutegund munntóbaks ekki 10 kg á 12 mánaða tímabili má fella hana úr kjarna.

Um meðferð tilboða á vöru í reynslusölu.

Reynslusala hefst 1. febrúar 1997. Þeir sem óska að bjóða þá fram tóbak í reynslusölu leggi inn umsókn til ÁTVR eigi síðar en 15. nóvember 1996. Sótt skal um hverja sölutegund á eyðublaði sem ÁTVR lætur í té. Umsóknir verða skráðar í þeirri röð sem þær berast. Skráin sýni nafn tilboðsgjafa, heiti vöru og umbúðastærð. Skráin liggi frammi í afgreiðslu ÁTVR, Stuðlahálsi 2, 110 Reykjavík, þeim til skoðunar sem óska.

Komi fleiri umsóknir en rúmast í reynsluflokki við upphaf sölu í þeim flokki skal draga úr öllum umsóknum og þeim skipað í röð í samræmi við útdrátt. Sölutegundir koma til reynslusölu eftir þeirri röð.

Tilboð og sýnishorn fara til vöruvalsnefndar ÁTVR sem metur vöruna og gefur skriflega umsögn, leggist hún gegn reynslusölu. Umsögn er fól þeim sem bauð fram vöruna.

Að fengnu mati vöruvalsnefndar skal tilkynna þeim sem tilboð gaf niðurstöðu. Hafi nefndin ekki mælt gegn reynslusölu, gengur innkaupastjóri frá samningi við tilboðsgjafa í samræmi við tilboðið og innkaupaskilmála ÁTVR. Samningur skal gerður a.m.k. 3 mánuðum áður en birgir hefur boðist til að afhenda vöru. Staðfesti birgir eigi samning innan 30 daga frá því samningurinn var tilbúinn til undirritunar fellur umsókn hans úr gildi.

Pöntun á vöru fari fram skv. ákvæðum viðskiptasamnings, sbr. lið 3.

Um sérpantanir.

ÁTVR sérpantar tóbak af frísvæði eða erlendis frá gegn greiðslu á 400 kr. í pöntunarkostnað sem eru óafturkræfar nema því aðeins að engin pantaðra tegunda sé fánleg. Greiðslan er óháð magni og fjölda tegunda. Að auki greiðir sá er pantar ÁTVR tryggingarfé er nemur áætluðu cif-verði vörunnar.

Skilmálar í viðskiptum við birgja.

Reglur fyrir birgja sem selja vilja tóbak í kjarna og til reynslu.

1. ÁTVR kaupir ekki fínkornótt neftóbak og munntóbak að undanskildu skrotóbaki.
2. Senda skal ÁTVR tilboð um vöru, verð og staðfestingu þess að þeim séu kunnir innkaupaskilmálar ÁTVR og þeir séu reiðubúnir að hlíta þeim. Tilboði skal skila á þar til gerðum eyðublaðum sem ÁTVR lætur í té. Texti eyðublaðanna er á íslensku og ensku.
3. Áletranir og umbúðir verða að vera í samræmi við íslensk lög og reglur¹⁾ og staðla Evrópusambandsins. Strikamerki - EAN eða UPC - verða að vera á hverri sölueiningu.
4. Sýnishorn af umbúðum sem varan er seld í á EES-svæði fylgi og grein gerð fyrir hvernig birgir hyggst aðlaga umbúðirnar skilmálum íslenskra laga.

5. Tilgreint verði í samningi hvenær afhending vöru til ÁTVR geti hafist.
6. Þeir sem bjóða vöru í reynslusölu skuldbinda sig til að lána ÁTVR hana (cif-verð) reynslutímann. ÁTVR greiðir birgi mánaðarlega andvirði seldrar vöru. Birgjar skuldbinda sig einnig til að taka til baka þá vöru sem óseld kann að vera við lok reynslutímans. Verði varan valin í kjarna fer það eftir samningi birgis og ÁTVR hversu mikið af hinni óseldu vöru ÁTVR heldur eftir til sölu. Taki birgir eigi við vörunni innan tveggja vikna frá því sölu í reynsluflokki lauk er ÁTVR heimilt að eyða vörunni á kostnað birgis. ÁTVR kaupir flestar vörur frá erlendum birgjum til sölu í kjarna á verði frá verksmiðju eða á fob-verði. Sé birgir utan Evrópu eða Bandaríkjanna kaupir ÁTVR vöru á cif-verði Reykjavík eða fob-verði í höfn í Evrópu eftir því sem nánar semst um. Inkóskilmálar 1990 gilda um allar vöru-sendingar.
7. Þeir sem bjóða vöru til sölu í kjarna skuldbinda sig til að lána ÁTVR hana á fob-verði. ÁTVR greiðir birgi mánaðarlega andvirði seldrar vöru og vöru sem kann að verða ósöluhæf í vörslu ÁTVR. Ákvæði þetta gildir frá 1. janúar 1998.
8. Birgjar geta hækkað verð sitt þrisvar á ári: 1. janúar, 1. maí og 1. september. Tilkynna skal verðhækkun skriflega með a.m.k. þriggja mánaða fyrirvara þ.e. eigi síðar en 1. október, 1. febrúar og 1. júní. Óheimilt er að breyta verði á tóbaki sem er í reynslusölu og skal það verð haldast óbreytt næstu 6 mánuði hið skemmsta, flytjist varan í kjarna.
9. Þyki sannað að framleiðandi tóbaksvöru eða umboðsmaður hans hafi brotið gegn ákvæðum 7. gr. laga nr. 74/1984 sbr. lög nr.101/1996 um tóbaksvarnir getur ÁTVR án sér-staks fyrirvara hætt kaupum á vörum þess framleiðanda er hlut á að máli.

¹⁾ Sjá reglugerð um viðvörunarmerkingar á tóbaki nr. 433, 20.júlí 1995.

Ábyrgð á vöru.

Um ábyrgð gagnvart þriðja aðila gilda almennar reglur.

Birgir taki til sín og endurgreiði við móttöku vöru sem er ósöluhæf vegna gallaðra umbúða eða innihalds.

Taki birgir eigi til sín gallaða vöru eða vöru sem ekki hefur selst nægilega í reynslu-flokki áskilur ÁTVR sér rétt til að krefjast geymslugjalds fyrir vöruna. ÁTVR er heimilt að láta eyða vörunni á kostnað birgis þegar tvær vikur eru liðnar frá því birgi var tilkynnt að hann ætti að taka vöruna til sín.

Reglur þessar taka gildi 15. október 1996.

Reykjavík, 8. október 1996.

Í stjórn Áfengis- og tóbaksverslunar ríkisins.

Þórarinn Sveinsson.

Árni Tómasson.

Reglur þessar um innkaup og sölu tóbaks og skilmála í viðskiptum við birgja staðfestast hér með.

Fjármálaráðuneytinu, 15. október 1996.

F. h. r.

Indriði H. Þorláksson.

Bergþór Magnússon.